

مستطابق

مستطابق موافق آثار جدید مع المنهج قول اولیور
درج ایدیلین آثار اعاده ارتخاز

درستاده یکی پوسته خانه قارشوسنده
دائرة مخصوصه در

دین، فلسفه، ادبیات، حقوق و علوم دین باحث هفته لقی رساله در

درستاده نسخه سی ۵۰ باره در

قیریلدن مقوا بورو ایله کوندریلیرسه سنوی
۲۰ غروش فضله آلتیر.

درستاده پوسته ایله کوندریلیرسه ولایات بدلی اخذ اولنوره.

تاریخ تاسیسی:

۱۱ نومر ۳۲۴

مؤسسلری: ابوالعلا زین العابدین - ح. اشرف ادیب

سنه لکی القایلی

درستاده	۶۵	۳۵
ولایتده	۹۰	۵۰
ممالک اجنبیهده	۱۰۰	۵۵ غروشدر.

برنجی سنه

۲۲۶ شوال ۱ صالی ۱۴ تشرین اول ۳۲۴

عدد: ۱۰

نفسیه شریف

تدقیق مهم

عبادت — بیان اولدینی اوزره خضوع و تضرعک نهایت درجه ده،
اک یوکسک طبقه به بالغ اولان نوعیدر. فقط خضوع و تضرعک بونوع
اکلی عبادت عدا و اتق ایچون معبودک کنه و حقیقتی قابل تصور اولمیان
عظمت و جلالتی استشعار قلبدن، تأثیر و ایجاد و کیفما یشاء انفاذ حکم منحصراً
شان اجل الوهیتی اولدینی جزماً اعتقاددن ناشی اولمق شرطیله مشروطدر.
عابد معبودینک مرجع یکنانه عالم اولسنی و ادراک بشری فوقنده
بر احاطه علیه و قدرت کامله ایله متفرد بولمنسی اعتقاد ایتدیکجه ایفاسنه
مواظب بولندینی عرض تعظیبات و تبجیلات ایله عابد صائماز.
بناءً علیه ملوک و سلاطیندن برذاته بندکانی طرفندن پرستش
درجه سنده بولنان تذلل و خضوعلره، برلرده سورونک و آیاقلرینک
آلتنی اویمک و هر نه طریقه ممکن اولورسه رضاسنی تحری ایتک کبی
معامله لره — دائرة مشروعتدن خارج اولمیرله برابر — عبادت لفظی
اطلاق اولتماز. حتی عبادت قصدی ایله اولمیان سجده بیله کفری ایجاب
ایتمز. چونکه بو طاقم ضراعت و خضوع عابدلرک و حتی زمره قانتینک
جناب حقه قارشو ایفا اید. سلاطینکری اطاعت و انقیادک بوزقات فوقنده
بیله فرض اولورسه مادام که اسباب موجب دسی اونک ظلم معهودی
خوفندن و یا کرم محدودی رجاسندن عبارت اولدینی، محضاً بویله
عادی برامل و غرض نیویدن منعت بولندینی رعنا معلومدر، عبادتک
تعریف معروضنه ماصدق علیه اوله ماز.
کذلک عاشقک معشوقی حقه ده واقع اولان غاو و افراطی نه درجه

پرستشکارانه اولورسه اولسون فی الحقیقه عبادت دکلدر. لسان العربده
بوکاده لفظ مذکور اطلاق ایدلمز. زیرا بشقه و ادیلره متعلق اولوب
اعتقاد سائف الذکردن عاریدر.
واقعا بر طاقم جهله ناس، سبکمزان انام ملک و سلطنتک ملوک
اوزرینه فیضان ایتش بر قوت غیبیه سماویه و برخارقه قدسیه ملکوتیه
اولسنی اعتقاد ایله انلرک طیب عنصر و نفاست جوهر اعتباریله نوع
بشردن ممتاز اولمیرنی ذهنلرینه یراشدیررک کندیلرینی معبود
اتخاذ ایتشلر و بو اعتقاد باطل سببیه عبادت و پرستشلرینی جدیت اوزره
الزام ایدرک کفر و الحاد مزلقه سنه دوشمشلردر.
افعال عبادک بر قسمی تحریم، دیگر اقسامی تحلیل ایتک، کنه لری
عفو ایله بر قوی جسته لائق قلق، دیلرسه جهنمه آتی و یرمک کبی
انجق شان الوهیه شایان، خصیصه جلیله رجحان اولان احکام
و معاملاتدن برشیئی حائز اولسنی اعتقاد اولنان کسانده معتقدلری طرفندن
معبود اتخاذ ایدلش اولیورلرکه استعید بالله «اتخذوا احبارهم و رهبانهم
ارباباً من دون الله و المسيح بن مریم» آیات جلیله سی بو حقیقت قطعیه یی
اعلان ایتکده در.
تفاسیر شریفده مسطور اولدینی اوزره بو آیت کریمه نک هنکام
نزولنده حضور حضرت رسالتینا عیده بولنان (عدی بن خاتم) رضی الله عنه
فی الاصل نصرانی اولسنه مبنی دیمش که: — یارسول الله! رهبانندن برکیسه یی
الوهیته توصیف ایدرک کندیسنه عبادت ایتدکیرینی ایشتمدم... مقام
جوابده سلطان انبیا علیه ازکی التحایا افدیعز حضرت تلیری: — «ایس بحر مون
ما احل الله تعالی فی بحر مونه و یحلون ما حرم الله فیستحلون» بیور مشلره
یعنی دکلن که اونلر ایتدکیر کبی تحلیل و تحریم احکامنی قبول ایتدیر
بیورلر، بو خصوصده برکیسه یه مطاومت کندیسنه عبادت دیمکدر.

بونک اوزرینه جناب عدی: — بوجهت پک طوغربدر، دیهرک اعترافده بولمشدر.

هر دین حقه، شرائع الهیه نک کافه سنده امرجه بشریه راستعدادات متنوعیه کوره عبادتک صور کثیره و هیئات مختلفه سی اولوب صنوف آدمدن جناب حقه عظمت و کبریای و سلطنت سرمدیه و حاکمیت مطلقه ایله تفره سبحانی سی شعور و ملاحظه سنده بولملری تذکیر بیورماق حکمت علیه ربانیه سنه بناء مشروع قلنش ولزوم ایفاسنه دائر اوامر قطعیه شرف صدور ایتشدر. بوشعور و ملاحظه ایسه هر عبادتک روحی و سری، علت غائیة مشروعیتی اولدینی هویدادر.

عبادات مشروعدهن هر برینک تقویم اخلاق و تهذیب نفوس خصوصنده تأثیر عظیمی قابل انکار دکلدر. فقط درگاه سبحانی یه عرض تعظیم و اخلاص عبودیتک مدار و منشأی اوله جق ملاحظه و اتباع قلب حصول بولمادقجه، توجه الی الله امر راسخ اولمادقجه تأثیر مطلوب حصول پذیر اولماز.

بناء علیه عبادتک شکل و صورت ظاهریه سی روح معنادن، ملاحظه معروضدهن عاری قالیرسه عبادت صائلیه صالح دکلدر.

مثلاً قلمده بولندینغ نمازی نظر مطالعهیه آلهرق دوشونهلم: بزرک کیف ماکان اتیان صلات ایله دکل، بلکه «اقامه صلات» تعبیرینه ماسدق اوله جق وجه اکمل اوزره ادا و ایفاسیله مأثور و مکلف بولندینغمزده شبهه ایدرمیز؟ خیر! چونکه مؤمنلری مدح و صلاته ترغیب باینده ورود ایدن نصوص شرعیه ده هپ «و یقیمون الصلاة» کبی اقامه دن مشتق صیغ و تعبیرات شریفیه مصادف اولمقدمیز. اقامه صلات ایسه بوتون ارکان و حدود ظاهریه و باطنیه سیله ایفای صلاته مبادرت، بالجملة آثار و فوائدینی محتوی اوله جق طرز و هیئنده اووظیفه عالییه اتیان موفقیته دیمکدر.

ناصل که «قد افلح المؤمنون الذین هم فی صلاتهم خاشعون» نظم شریفی ده اهل ایمانک فلاحی ارکان باطنیه دن معدود خشوعه، ادای صلات هنکامنده کی حضور قلبی یه بنا قلمشدر.

برده بافرمان الهی فریضه ذمت، اعظم ارکان رصینه اسلامیت اولان صلات حقیقیه و کامله «ان الصلاة تنهی عن الفحشاء والمنکر ولذکراه اکبر» و «ان الانسان خلق هلوعا اذامسه الشر جزوعا و اذا مسه الخیر منوعا الا المصلین الذین هم .. الخ» مثلاً و نصوص قرآنیه نک دلالات قطعیه سیله انسانی هر درلو مساوی اخلاق و مناهی و منکر ایدن آلیقوبه رق اختراصات جلیله سی تعدیل ایدن، و بو سایه ده معکس فیوضات خدا اوله جن قلبی دیکا، سبحانی یه اجذاب تام ایله منجذب، سائنجات غیبیه یی متروک قیلان اک بویوک بر ذکر الهی، اک صمیمی بر مناجات ربانیه در.

روح عبادت و مدار فیض و سعادت ارله جق اسرار معنویه دن ذهول ایله سهو و غفلته مقارن بولنان حرکات و سکانات، لسان و اعضای سائردهه علی الماده وقوع بولان اشتغالات و بو خاصیت عظمادان عاری، نتایج

مطلوبه دن خالی اوله جق جهته آیت و احادیثده مظهر ثنای عظیم قلنان مبارک نماز اولمادینی وارسته قید ایضاحدر.

فرقان حکیمک بو صورتله نماز قلان ارباب غفلت حقلرنده «فویل للمصلین الذین هم عن صلاتهم ساهون الذین هم براؤن و یمنعون الماعون» بیورلمشدر که یالکز صورت صلاتی اتیان ایتلمری حسیله کندیلرینه «مصلین» اطلاق بیورلهرق اقامه صلاتدن محروم و خشیت الهیه یی مذکر، عظمت سبحانییه یی مشعر بولنان توجه قلبی یه مقارن صلات حقیقیه دن سهو و ذهول ایله مالوف اولدقلری افاده بیورلمشدر.

مناسرتی اسماعیل رفقی

مسلمانلرده اساسلر

۱ — تحصیل ایمانه ایچونه نظر عقلی. دین مبین اسلامک استناد ایلدیکی اک برنجی اساس نظر عقیددر. اونک عندنده ایمان صحیحک وسیله سی یالکز بو نظردن عبارت اولدینی ایچون حاکم طائیدینی عقلک حضورنده مابه الاحتجاج اوله جق حجت انجق بودر. شیدی مادام که دین عقلی حاکم طائیدشدر، بالطبع حکم و نفوذینی تسلیم ایتشدر. او حالده نصل اولورده او حاکمه تعرضده بولنسی ممکن اوله بیلیر؟

باقیکز بو اساس مسلمانلری نرمیه قدر سوق ایتشدر: اهل سنتدن بر چوغی دیورلر که حقیقته وصول ایچون بذل جهود ایتدیکی حالده استحصال مراده هر ی وفا ایتین، معافیته موقف ظن و ربیده توقف ایتدیرک طریق تحریده ترک حیات ایدن آدم زمره ناجیه دندر. انصاف اولسون بوندن بیوک مساعده کارلق تصویرینه امکان وارمیدر؟

۲ — ظاهر شرع ایله عقل آرمنده تعارضه رفوعنده عقلک تفریمی. سوزلری شایان التفات اولیان برحزب قلیل استثنا ایلدیکی صورتده بتون اهل دین شونده متفقدرلر که عقل ایله نقل تعارض ایتدیکی وقت دلیل عقلی یه بالاعتبار نقل ایچون ایکی طریق اختیار اولنور. برنجیسی ماهیت منقولک اکلاشیله مابه جقنی اعتراف ایدرک کیفیت علمی جناب حقه تفویض صورتیه صحتی تسلیم ایتک، ایکنجیسی ایسه معنای منقولک عقلاً ثابت اولان حقیقته اتحاد ایتسی ایچون قواعد افته مراعات شرطیه نقلی تأویل جهته کیتکدن عبارتدر.

ایشته کتاب مینده، حدیثده، علیه الصلاة والسلام افندمرک سنن سنیدلرنده حکمی جاری اولان بو اساس تین سایه سنده درکه عقلک بدشگاه عزمنده بتون یوللر آچیلش، سبیل ترقی سنده کی عقبات کاملاً قالدیرلش، میدان جولانی نامحدود بر صورتده توسیع ایدلشدر. عجباً هیچ بر فیلسوفک نظری ایچون بوندن واسع بر فضای جولانه انعطاف قایلیدر؟

آرتق فکر و نظر صاحبلری، حقیقت معرفت طالبلری بو پهنای بی انتهاده صیغمازسلر نرمیه صیغارلر؟ اوله یا، بو ساحه یی طار بولدقن صکره نه طاغریله، دره لرله برابر شو خاکدانه، نه ده اجرامیله برابر فستخسرای آسمانه صیغه مازلر.